

黔江縣志

卷首

序文 目錄 凡例

職名 圖攷

卷一

天文志 星野

地輿志 沿革 疆域 附勝

金石蹟 附奇

黔江縣志

光緒甲午冬葉子成
鄞版藏墨香齋

重修縣志序

予既以前志因陋就簡奮筆作志補而簡陋如故蓋其成之也速則慮未周其爲見也獨則識猶淺故於前志各爲一編不敢輕易纂合混淆是非實將儲其稿以有待既而延諸生先後校正僉曰是補攷据詳明大段已備惟體例未一耳曷弗刊落前志重新編輯勒成一書以昭吾邑盛舉予曰能如是乎固吾心也誰襄厥事者僉推金溪陳陶二君陳博學能文陶老謀善斷於是聘使主政並延茂才龍李二生分司其事予亦時時爲之指推商訂三閱月而

稿以就蓋心精力果陳之功居多而三人者亦與臂助焉予伏讀之天地山川人物前志所未備者一一註解詳明凡古今沿革建置治亂得失談之瞭如指掌且以邑人言邑事於食貨祥異兩門尤知精覈復變通志例載書必詳原名俾閱者知所據也記序多附緣起使本旨有發明也其前志之是者因之非者改之筆則筆削則削不掠人之美以爲美而曰見某志務集眾之長以爲長而曰出某文亦庶幾據事直書質而不俚盡而不汙者與竊嘗論有一地之山川卽有一代之人文有一代之人文卽有一邑之

掌故黔自漢唐以來歷隸名郡而屬內地雖獠蠻侵越不常其職貢如丹砂犀角上之天府其人物□柳范趙秦黼黻王家其山川則大木羽人歌羅載諸歷代地志其兵制則赤甲義軍二十九砦三關五堡或隸於人或據以自固代有明文徒以地囿荒徼文獻無徵卽雅意修復者亦窮於力索案頭無羣書集證率以不可攷一語了之是固史闕文之遺意然而太史公有云書闕有間矣乃時時見於他說總之不離乎古文者近是此誠古今譔述得失之林而班漢祖述之迄今莫不以爲良史我

黔江縣志

卷首

序

二

聖朝文治光化天下郡國民人學士大夫咸食毛踐土涵育於二百數十年來無窮之教澤內地如開礦務修機器創鐵路置電線百產且日獻其菁華極諸海外瀛洲罔不通互市獻方物

天子特簡星使四出圖繪西洋各國山川地理人物以開方略以重邦交而大一統之規模况黔斜距京師五千餘里陸行不過六七十日水行祇三四十程顧委爲荒杳難稽安於邑乘之闕略是自外聲教也不其慙乎四君者能師史公遺意廣採博蒐精心結撰一洗前乘陋習紹墜緒於茫

茫擴千古所未有以匡吾志補才力之所不逮從茲下里
巴人其典章文物亦將爭光於上國吾知有明以來各前
縣抱殘守缺耿耿屬望後來之心今而後可以稍慰也國
有人焉誰居其孟椒乎信可爲四君詠矣陶明經字地山
陳與李俱廩生字薇階字宣三龍附生字仲六四人者皆
負一時重望云

光緒二十年夏五月知縣事山右張九章序

讀重修縣志書後

憶自典學黔邑宰黔者已六易厥官彈指光陰忽忽十三秋矣月夕花晨輒與二三熟識縱談時事間及邑乘咸謂疑殆滋多殘缺未備抱憾者久之歲己丑山右張公衮甫由進士部曹出宰斯邑精心縣治勤於下問動以身親於地方山川人物土俗民情久既熟諳於胸中乃始博集羣書旁參互證毅然以補修縣志爲己任甫數月脫稿得若干卷謙其名曰志補示不敢擅纂也旣而眾紳以重修請公乃復總攝其事委其成於陳陶諸生不半載事竣

芝

伏讀之其體例之嚴考訂之確棄取之精自是有目共賞至於一縣之書成之一姓遲之久而續修遲之又久而重補此中文字之緣則有時數存焉非流俗所得而臆度也蓋邑志創於張公若度續於張公春霆茲又得衮甫張公足成善本逆稽時代相距約更數十寒暑噫異哉莫爲之前雖美弗彰莫爲之後雖盛弗傳獨此彈丸志乘天特篤生一姓錯出於四十餘年之中而是書乃燦然大備芝生晚矣若度春霆兩公未獲親挹丰裁而衮甫則同城最久者也仕學兼優口碑載道固無俟於贅言而披讀是書覺

其間心醉之處卻有不能自己者爰書數行於簡後以誌
欽佩云

光緒二十年甲午夏六月儒學教諭陳毓芝榮生氏撰

邑侯鄭公愈志稿原序

黔爲楚蜀接壤之區犬牙交錯四面環苗漢馬援平武陵蠻此亦其地也隋置縣縣名石城唐天寶改今名宋元因之尋爲龔胡秦向四土豪所據明洪武十三年遣藍玉以平其地設千戶所守禦所與縣分萬厯間邑令何珩請合縣爲一去府千有餘里山形峭壁則攀緣難河流巨灘則渡濟難值獻賊猖獗川土爲墟黔雖以奇險獨免然周圍十四土司乘明季鼎社將移抄擄靡遺恭逢我

朝

黔江縣志

卷首

原序

六

列聖相承重熙累洽念邊方夷地屢畫汛防猶爲西陽忠路唐崖諸司憑陵壓境疊構釁爭黔民素柔懦官渡長灘峽口等處皆爲其所有則生聚又難嗣以次設流分隸兩湖於是乎大木楓毛壩子爭據頻聞動經兩省官斯土者調劑又難迄今勘斷既定而此界彼疆訐訟無虛日以此因循游忽土田版籍紀事無書漸至於莫可稽考則創始又難辛酉秋余補任茲土訪求志乘散若風煙久之得前令柴公璵孫公待桂草本一帙首尾僅三十餘紙余思

國家典章明備聲教覃敷疆域則掌之職方人材則貢之天

府戶口賦後則編之版圖風詩歌謠則采之輶軒而登諸
太史所以大一統之模明一代同風之盛固不以彈丸黑
子介在苗蠻遂略焉而弗紀也黔僻處遐陬去京師萬里
若仍襲因循之舊抱殘守缺日復一日將並此珠沉劍埋
伊誰人咎故就其體裁仍其眼目柴孫二公吹沙作飯旣
以無可因者創之於前淺陋如余又幸得因二公之草本
創之於後今日付之梓人亦猶存餼羊之意焉已夫受
聖朝覆載之恩休養生息涵煦於百年之深者太平之福也山
川風物民人社稷必勒成一書以立百里之規模者都人
士之志也網羅放失舊聞訪求遺老相與講明切究期協
於人心好惡之公者有司之責也後之人與我同志嗣而
續之或增修飾以潤色其間是亦風教之一助云爾

邑侯王公爾鑑志稿原序

縣志史也郡視此也省視此也朝視此也繪版圖也采風
謠也詳治與亂也紀人與物也當時後世僉視此也作史
有三才也識也學也無才蔓也無識濫也無學固陋也三
者缺一難云志也黔地僻也邑屢徙也山嶮巖也水湍激
也箐林密也谿崗邃也代有蠻獠叛服遞相仍也時沒時
復民勞止也刀耕火種稼穡艱也舟車不通鮮化居也謀
衣謀食溫與飽難兼也百年向化

聖治昭也敞陋守簡風尚樸也雀角戢也鼠牙竄也訟庭綠也

黔江縣志

卷首

原序

八

囹圄虛也蒸蒸日上近古也胡不可志乃無志缺也缺甘難
受和也缺白難受采也前有柴璵孫待桂輯厥廓也後有
鄭君愈闢厥堂也雖綱未舉也目未張也略焉弗詳也而
屋有基也而繪有素也梁棟可樹也丹堊可施也繁者簡
也遺者補也紛者集也離者合合者離也若木繩也若金
範也若玉琢也是余之志也而文猶不足也而獻猶不足
也自春徂夏時日促也拈毫搔首搜討末由也具眉目也
尙胚胎也全璧志未逮也潤色期他日也支大厦眾木也
集美裘千狐也欲成黔志以立史基是所望於同志也

邑紳李祖培志稿原序

嘉慶壬申年大憲行文通諭各府廳州縣整修志書申詳
備查定限兩月爲期時攝縣篆者爲陝西楊春洲先生下
車之初首訪著作才可藉以贊勸志乘者少尉朱竹溪以
培培薦時培尙居城寓越日先生親詣敝廬諄諄以此事相
委培再三遜謝先生曰以邑人述邑事固宜况損益折衷
匪異人任其勿辭因授其修志新頒格式一本而去培既
不獲辭乃取各志稿據案列觀漸達款要再取酉陽州志
中翁羹堂先生所輯縣志逐條排比其複者刪之缺者補

之至於職官人物等志則採訪無助且定限太迫僅就見
聞所及稍加藻飾用以覆命先生謬爲獎許卽時備文申
詳在案夫志猶史也非才學識俱全不可爲培何人斯敢
膺斯任第蒙春洲先生諄諄相委之意不過以邑人述邑
事而已若夫損益折衷仍有賴於高明原稿具在謂之嚆
矢也可謂之藍本也亦可

邑侯張公紹齡前志原序

邑志之作有司之責也而未必皆有司自爲之案牘紛繁何暇及此勢不能不假手他人顧他人爲之他人知之邑之中典制若何人材若何山川道路若何問之有司有司茫然也雖曰爲之不猶之未爲乎夫攝一邑之職必當知一邑之事徵文獻而博見聞信非自爲之不可余昔攝篆昭化公餘多暇曾取邑志修之已刊行矣酆邑事繁勉強搜輯遷移未就今春承乏是邦下車後索取志書乃知此間向無刻本前縣翁羹堂附記於酉陽州志者寥寥數頁

黔江縣志

卷首

原序

十

難云完善亟須逐條補纂勒成一書庶可備一邑之掌故第查前縣柴孫二公皆創有志稿鄭王二公續成之各有序文今所存志稿二卷實不知出於何人之手此外有邑人李北山志稿二卷北山博雅君子也年登八十好學不倦其志稿大抵本之前人而條分縷晰採訂加詳嗣又得邑人湯鶴村志稿一卷鶴村爲勉菴先生後裔家學淵源積年採訂較前尤詳有此二稿足資考鏡矣所喜是邦民溘事簡退食偶閒爰取各志理之繁者求簡略者求詳紛歧者求愜當殫精極慮昕夕弗遑更藉諸文士宋孝德李

昌琇許崇儒等相與廣爲蒐羅細爲參證自仲春至初夏
閱三月而書成適邑中有樂於捐刻者乃舉以付之夫淺
陋如余本非著作才第以攝一邑之職必當知一邑之事
苦心爲之非得已也若夫體裁未善辭采未瞻適爲大雅
所訕笑也夫何待言咸豐元年季夏署縣事張紹齡撰

邑侯張公銳堂續志原序

黔志無舊刻也咸豐辛亥春津門張公蒞斯土始舉而修之集前縣柴孫二公之初稿與鄭王二公所續成者以考其始而又得邑人李北山湯鶴村之抄本以詳其中並藉諸文士宋孝德李昌琇許崇儒相與廣爲蒐羅以繼其終於是志刻成矣雖篇內如古今異名之山川不無或訛採訪傳聞之人物不無過聽而要皆前張公以速成之以節取之從古地乘所難免也版旣成印布之餘卽以藏諸文廟之官廳樓歷十餘歲而粵賊陷城凡廟中之神牌室壁

悉毀無遺而惟斯版尙存間有殘缺稍補卽完斯亦舊典之幸矣次年壬戌余承乏是邦爲善後計所採殉難死節之人卽欲附諸志以補修其舊本乃不數月而奉調彭邑賫志以往事遂寢矣幸去冬仍宰是邑復理善後拮据半載百廢漸興况斯鉅典能不爲黔人計乎爰令諸生程尙川宋孝德楊萬象贊其纂修附諸舊本以爲續卷雖予軍務頻擾案牘常繁不能一一定諸手裁而前之有司倡之後之有司自不能辭其責也同治三年署縣事張銳堂撰

邑侯張公志補原序

補者何不成志也何以不成志以成於速而且獨也縣志之作猶夫史非具才學識三長不克肩其任故凡作志者必集羣策羣力以折衷於一是司分纂者若而人司分校者若而人備參攷相商訂者又若而人總司其事者不過執筆纂合力求至當大抵邑紳衿中聰穎博學之士生長斯鄉見聞較確乃足據爲信史且復綿以歲月專其心志稍有不慊輒幾易稿而後成故其文一出則都人士爭先快睹交口傳誦幾於洛陽紙貴爲有司者亦祇提頓其間

隨時呈覽逮其已成弁數行於簡端以紀盛焉耳未有親司一切執筆爲文而纂之者也黔志自前縣張若度張春霆二公初修續修後迄今又垂三十年矣原志體裁略備特考据欠精三十年來又不無人文事蹟可紀若聽淹沒殊非有司之責邑固多彬雅士然文學中求如創前志稿李北山者實難其人近世惟予同年友趙君雲颿博學好古留心時事勤於載記可稱大手筆予與商訂欲延以勘修者屢矣因四鄉採訪册未畢不果趙君又善病癸巳秋忽奉調赴納谿教諭任去而志之成遂無望矣環顧蕞爾

邑著名瘠區若復於外境聘求名賢非數百金不可且一經開局司事者率六七人又曠日持久計創稿已需費千餘串將何處籌辦是以不揣固陋奮自肩任於案牘餘閒卽掇拾編纂以一經書抄謄兩閱月而就稿不能出前志範圍特較加詳雖然不敢遂云志也補焉而已一行作吏簿書困其心刑名錢穀役其形翰墨久已生疎強作之必不成卽成矣掛一漏萬是古非今亦不足信今而傳後一經移篆目笑者未嘗不用以覆瓿况予成之速而見以獨掛漏尤甚烏用是張皇爲哉然身爲邑宰任職五六年聽之廢墜負疚滋甚故補而存之以待後君子之筆削至文之舛陋貽笑大方固有所不計也

光緒二十年歲在闕逢敦牂如月知縣事山右張九章序

黔江縣志目錄

卷首

序

原序

目錄

凡例

重修縣志職名

前志原修職名

圖攷

黔江縣志

卷首

目錄

十五

卷一

天文志

星野

地輿志

沿革
形勢
附勝景

古疆蹟

域
附奇蹟

山川金石

卷二

規建志

城池
街市
附鄉場

公署

附公所

祠祀

寺觀

驛鋪

津梁
坊表

隄堰

碑碣

卷三

食貨志

田賦
倉儲

戶口

賑賑

領支

物產

襍稅

學校志

學制
卷價
附學田

義考

學棚

書院

附購藏書目

賓興

武備志

兵制

團練

武事

卷四

職官志

文職

武職

選舉志

科目

軍功

襍職

贈廕

人物志

名賢耆壽

孝友流寓

忠節仙釋

行誼列女

文學

卷五

藝文志

易注
附近人著作目錄

文詩

風俗志

習俗

月令

通禮

祥異志

黔江縣志

卷首

目錄

十六

凡例

一是編底本前志折衷志補前志是者因之非者改之缺者補之略者詳之卷帙視前志倍增非欲誇多聊爲補漏一前志例平列三十門旣嫌瑣碎而職官外贅設政績紀事內缺載祥異取舍未宜志補遵新通志□分十二門爲大綱每門又各分子目綱舉目張同條共貫今從之

一前志於天文分野語焉弗詳茲遵志補具列圖說並見時方位庶幾星野爲有用之書

一前志於地輿沿革囿於時制乏書可稽遇古有今無者概以無可攷委之志補詳加探討一一載明某代邑屬某治某地今在某所雖隸鄰封亦爲指實以見各朝郡縣之舊今從之

一前志所載山川道里以今考之牴牾實多或本無此山水因鄰境而相淆或舊有此山水經改疆而致失或原止一山水異稱名而重書或道里遠近距各不同今縣主張公蒞黔有年因公下鄉四至八到轍跡已周故志補山則自城及鄉依方序列亦則先經後支以類相從山川皆耳目所經道里以塘鋪爲斷足信今傳後茲悉遵之

一前志於形勢僅標數語阨塞難憑勝景絕少煊染山川寡色今遵志補大者備詳險要小亦略加品題古蹟奇蹤金遺石刻疑或存闕徵則必書俾後之謀守禦談鄉邦者可按籍而稽焉

一前志於規建原序概入藝文意取簡易而篇章間隔末便翻閱志補仿通志例雙行小寫概附緣起之下前提後注一目了然今從之

一史家之體彰殫並行而志則有彰無瘡雖鄉梓之情應爾亦忠厚之道宜然邑名賢代不乏人他如忠孝發於天

性耆壽具徵人瑞文學足資儒林其餘嘉言善行概列行誼不沒其長至列女上符

旌例下協鄉評節孝貞烈分類以紀間有年例未符而蓋棺論定者顯微闡幽一並採錄

一前志於藝文非有關邑中政典者不錄非其人已往者亦不錄其例甚嚴志補以志不時修善善從長各有採取茲編棄取悉從志補不參已見

一風俗與化移易貞淫奢儉隨時變更自修前志迄今計閱四五十年美惡得失或不盡如彼所云茲據所見聞參

酌錄之以俟有司之轉移焉

一是編徵引各書首通志次前志續志志補徵於所信亦因乎其時參之酉州志旁及彭水志施南志境屬毘連事可互稽其餘採錄各書亦必標明作者以免掠美之誚

一是編每脫一稿卽呈

縣主張公鑒定 公或面爲商榷或書示錯謬無不批卻導窾昭若發蒙務在愜心貴當不參成見茲特揭明以見與他志例載主修者不同

一是編敬遵

定四庫全書提要之例先圖以挈其綱後志以清其目人物則刊除攀附緣飾相沿之習藝文則散附地輿規建各門之中搜古而不略今傳疑而不失實泛爲議論者無取關於掌故者必詳非曰能之頗兢兢焉惟是才薄識淺益之荒落網羅未周金根多誤拾遺糾謬以俟君子

重修縣志職名

主修

賜進士出身同知銜特授西陽直隸州黔江縣知縣

張九章

協修

國子監典簿銜特授黔江縣儒學教諭

陳毓芝

六品銜賞戴藍翎特授黔江縣典史

鮑受衡

編輯

廩

生

陳藩垣

貢

生

陶祖謙

黔江縣志

卷首

職名

二十

廩

生

李承德

文

生

龍駿

參閱

舉

人

劉縱之

拔

貢

趙大煊

校勘

貢

生

楊再和

試

用

巡

檢

趙澍

選

用

訓

導

陳炳幾

廩

生

陳焯

文

生

李射唐

增

生

莊嚴

監

生

莊銳廷

廩

生

鄢楨琮

貢

生

李震

增

生

李秀實

增

生

朱錫爵

文

生

費家謨

文

生

尙家謙

文

生

劉先沛

採訪

職

員

王紹全

舉

人

羅兆麟

貢

生

陳炳昂

增

生

向朝元

文

生

王際虞

文

生

陳孝揚

監

生

鄭守封

童

生

田徽

膳錄

增

生

吳孫達

湖北通城人

童

生

程鵬

安徽婺源人

童

生

朱光黼

戶

書

甯元青

繪圖

職

員

王紹全

黔江縣志

卷首

職名

二十二

前志原修職名

黔

江

縣

知

縣

柴

璵

直隸甯州舉人

黔

江

縣

知

縣

孫待桂

山西陽曲監生

黔

江

縣

知

縣

鄭

愈

福建長樂監生

黔

江

縣

知

縣

王爾鑑

河南盧氏進士

黔

江

縣

知

縣

翁若梅

福建閩縣進士

黔

江

縣

知

縣

張紹齡

直隸天津舉人

黔

江

縣

知

縣

張銳堂

陝西西鄉拔貢

黔

江

縣

教

諭

李曾白

長壽舉人

前任錢塘縣丞李祖培

丙午科解元龍輝廷

貢生程尙川

貢生李昌琇

增生許崇儒

文生宋孝德

文生楊萬象

文生費光耀

文生趙其謨

黔江縣志

卷首

職名

二十三

吏員湯遠紹

監生朱廷璋

監生黃嘉源

監生張宗善

從九陳寶山

處士陳國璵

處士宋傳傑

處士張雲漢
涪州人

禮書孫廷耀

壘野圖


黔江縣志

卷首


星野圖

二十四

翼宿圖



軫宿圖



步天歌

翼二十二星太難識上五下五橫著行中心六箇恰似張
更有六星在何處三三相連張畔附必若不能分處所更
請向前看野取五箇黑星翼下頭欲知名字是東甌

軫四星似張翼相近中央一箇長沙子左轄右轄附兩星
軍門兩黃近翼是門下四箇土司空門東七烏青邱子青
邱之下名器府器府之星三十二以上便爲太微宮黃道
向上看取是

史記天官書翼爲羽翮主遠客軫爲車主風

甘氏云翼主太微三公化

黔江縣志

卷首


翼軫攷

二十五

道文籍軫主將軍樂府歌權之事
明大則天下昌萬民康四海歸王

皇朝文獻通考翼二十二星增星七黃道在壽星鶉尾宮赤道
在鶉尾宮距中西第二星去極一百一十二度四十二分
去張宿距星十八度三分

軫四星增星五黃道在壽星宮赤道在鶉尾宮距西北星
去極百有四度二十九分去翼宿距星十六度五十九分
欽定儀象攷成績編翼十六度五十九分十三秒自初度至七度
五十五分在巳宮七度五十六分二十五秒入辰宮軫十
三度零五分二十三秒在辰宮



黔江縣志

卷首

縣城圖

唐鐘圖

鐘口徑二尺二寸圍圓六尺五寸頂圍五尺三寸高四尺五寸腹鑄金紫光祿大夫工部尚書兼黔府都督御史大夫持節充本道觀察處置選補等使沂國公趙國珍三十八字餘詳金石

